



ТЕНДЕРТ ОРОЛЦОГЧДОД

МОНГОЛ УЛСЫН ЗАСГИЙН ГАЗРЫН ХЭРЭГЖҮҮЛЭГЧ АГЕНТЛАГ

**ТӨРИЙН ХУДАЛДАН АВАХ
АЖИЛЛАГААНЫ ГАЗАР**

Б корпус, Засгийн газрын IX байр,
Энхтайваны өргөн чөлөө 16, Баянзүрх дүүрэг,
Улаанбаатар хот, 13381
Утас/Факс: (976-51) 26 00 62
Цахим шуудан: info@spa.gov.mn
Цахим хуудас: www.spa.gov.mn

2024.04.17 № А-1/1574
танай _____-ны № _____-т

Тодруулга хүргүүлэх тухай

Тус газраас зарласан ХААБ/20240103047 дугаартай “Үхэр сүргийг ялган тэмдэглэж, малын үндэсний бүртгэл мэдээллийн нэгдсэн сан бүрдүүлэх” төсөл, арга хэмжээний тендер шалгаруулалтад оролцохыг сонирхогч этгээдээс ирүүлсэн тодруулгад захиалагч Хүнс, хөдөө аж ахуй, хөнгөн үйлдвэрийн яамнаас ирүүлсэн тодруулгын хариуг хавсралтаар хүргүүлж байна.

Дээрх тодруулга ирсэнтэй холбоотой тендерийн баримт бичигт дараах өөрчлөлтийг оруулж байна. Үүнд :

- ТШЗ 26.1. “Огноо: 2024 оны 4 дүгээр сарын 12-ны өдөр. Цаг: 11 цаг 00 минут” гэснийг “Огноо: 2024 оны 4 дүгээр сарын 25-ны өдөр. Цаг: 11 цаг 00 минут” гэж;
- ТШЗ 26.2. “Огноо: 2024 оны 4 дүгээр сарын 12-ны өдөр. Цаг: 11 цаг 10 минут” гэснийг “Огноо: 2024 оны 4 дүгээр сарын 25-ны өдөр. Цаг: 11 цаг 10 минут” гэж тус тус өөрчлөв.

Төрийн худалдан авах ажиллагааны цахим систем /www.tender.gov.mn/-д дээрх өөрчлөлтийг тусгасан тендерийн баримт бичгийг шинэчлэн байршуулсан болно.

Хавсралт: 5 хуудастай.

ДАРГА  Ц.БАТЗУЛ



902020105 СБТ-11261 6529909

Хүнс, хөдөө аж ахуй, хөнгөн
үйлдвэрийн яамны Төрийн нарийн
бичгийн даргын 2024 оны 04 дүгээр
сарын 22-ны өдрийн 01/2024 дугаар
албан бичгийн хавсралт

ҮХЭР СҮРГИЙГ ЯЛГАН ТЭМДЭГЛЭЖ, МАЛЫН ҮНДЭСНИЙ БҮРТГЭЛ
МЭДЭЭЛЛИЙН НЭГДСЭН САНГ БҮРДҮҮЛЭХ ТЕНДЕР ШАЛГАРУУЛАЛТАД
ИРҮҮЛСЭН ТОДРУУЛГЫН ХАРИУ

Тодруулга – 1.1:

“Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хуулийн 4.1.9.а-д төрийн болон орон нутгийн өмчит хуулийн этгээд захиалагч байхаар, 45.7-д төсөл, арга хэмжээний тендер шалгаруулалтыг зохион байгуулах эрхийг худалдан авах ажиллагааны мэргэжлийн байгууллагад шилжүүлж **болж** гэж тус тус заасны дагуу энэхүү тендер шалгаруулалтыг зарласан болно” гэсэн өгүүлбэрт болно гэх үгийг болж хэмээн алдаатай бичсэн тул дээрх тайлбарыг “Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хуулийн 4.1.9.а-д төрийн болон орон нутгийн өмчит хуулийн этгээд захиалагч байхаар, 45.7-д төсөл, арга хэмжээний тендер шалгаруулалтыг зохион байгуулах эрхийг худалдан авах ажиллагааны мэргэжлийн байгууллагад шилжүүлж **болно** гэж тус тус заасны дагуу энэхүү тендер шалгаруулалтыг зарласан болно” гэж ойлгоно.

Тодруулга – 1.2:

Монгол Улсын засгийн газрын 2022 оны 11 дүгээр сарын 23-ны өдрийн 424 дүгээр тогтоолоор “Мал эмнэлгийн дэглэм бүхий хорио цээрт эрүүл бүс”-ийг олон улсын шаардлагад нийцүүлэн 5 аймагт байгуулах, 2023 оны 06 дугаар сарын 21-ны өдрийн “Макро эдийн засгийн тогтвортой байдлыг хангах чиглэлээр авах арга хэмжээний тухай” 233 дугаар тогтоолд мал, малын гаралтай түүхий эд, бүтээгдэхүүнийг **хөдөө аж ахуйн биржээр** дамжуулан худалдаалах, дундын зуучлалгүйгээр малчдаас хэрэглэгчдэд шууд хүргэх боломжийг хангах тухай тус тус заасан.

Тодруулга – 1.3:

Үхэр сүргийг ялган тэмдэглэж, малын үндэсний бүртгэл мэдээллийн нэгдсэн санд хамруулах ажлыг 2023 онд мал эмнэлгийн дэглэм бүхий хорио цээрт эрүүл бүс байгуулахаар заасан 5 аймагт хийхээр төлөвлөсөн боловч мал үржүүлэг, технологийн ажил үйлчилгээний технологит хугацаа өнгөрсөн тул 2024 онд хийхээр төлөвлөж, зохион байгуулж байна.

Тодруулга – 2.1

Монгол Улсын засгийн газрын 2022 оны 11 дүгээр сарын 23-ны өдрийн 424 дүгээр тогтоолоор “Мал эмнэлгийн дэглэм бүхий хорио цээрт эрүүл бүс”-ийг олон улсын шаардлагад нийцүүлэн 5 аймагт байгуулах, 2023 оны 06 дугаар сарын 21-ны

өдрийн “Макро эдийн засгийн тогтвортой байдлыг хангах чиглэлээр авах арга хэмжээний тухай” 233 дугаар тогтоолд мал, малын гаралтай түүхий эд, бүтээгдэхүүнийг хөдөө аж ахуйн биржээр дамжуулан худалдаалах, дундын зуучлалгүйгээр малчдаас хэрэглэгчдэд шууд хүргэх боломжийг хангах тухай тус тус заасан.

Тодруулга – 2.2, 2.3

Малын генетик нөөцийн тухай хуулийн 8 дугаар зүйлийн 8.4.9-д “малчин, мал бүхий этгээд холбогдох журам, зааврын дагуу малыг ялган тэмдэглэх, сум, дүүргийн хөдөө аж ахуйн тасгийн нэгдсэн бүртгэлд хамруулах үүрэгтэй” гэж заасан тул Үхэр сүргийг ялган тэмдэглэж, малын үндэсний бүртгэл мэдээллийн нэгдсэн санг бүрдүүлэх ажлын гүйцэтгэчийг сонгон шалгаруулах үүрэг бүхий үнэлгээний хорооны гишүүд тус хуулийн 11 дүгээр зүйлд заасан мал үржүүлэг технологийн ажил үйлчилгээний нэгжээр гүйцэтгүүлэхгүй байж болно гэж үзэн дээрх ажлын даалгаварт заасан заалтыг өөрчлөх шийдвэр гаргасан болно.

Мөн Малын генетик нөөцийн тухай хуулийн 11 дүгээр зүйлийн 11.5-д “Мэргэжлийн зэрэг, дэв, итгэмжлэл олгох, хүчингүй болгох, сунгах, бүртгэх болон мөн энэ хуулийн 10.8-д заасан урамшуулал олгох журмыг малын генетик нөөцийн асуудал эрхэлсэн Засгийн газрын гишүүн батална” гэж заасан. Дээрх заалтын дагуу журам боловсруулах явцад итгэмжлэл гэдэг үг нь мэргэжилтнийг итгэмжлэх, эсвэл нэгжийг итгэмжлэх гэсэн утга санааны хувьд давхардаж байгаа тул журам батлуулахаар төсөл хэлэлцүүлэх явцад хэд хэдэн удаа зарчмын зөрүүтэй санал гарсан тул журмыг батлах боломжгүй байдалд хүрсэн болно. Иймд хуулийн хэрэгжилтийг ханган ажиллах үүрэгтэй тул дээрх хуулийн заалтыг зөрчиж болох эсэх тухай ХЗДХЯ-аас тодруулга авах шаардлагагүй гэж үзсэн. Таны тодруулгад дурдсан ХХААХҮЯ-ны сайдын ажлын албаны зөвлөл гэх бүтэц манай байгууллагад байхгүй болохыг анхаарна уу.

Тодруулга – 2.4

Малын генетик нөөцийн тухай хууль, Монгол Улсын Их хурал, засгийн газраас гаргасан салбарын урт болон дунд хугацааны хөгжлийн бодлогын баримт бичигт тусгасан зорилт арга хэмжээний хэрэгжилтийг хангах зорилгоор Төрийн болон орон нутгийн өмчийн хөрөнгөөр бараа ажил үйлчилгээ авах тухай хуулийн хүрээнд “Үхэр сүргийг ялган тэмдэглэж, малын үндэсний бүртгэл мэдээллийн нэгдсэн санг бүрдүүлэх” ажлын тендер шалгаруулалтыг зохион байгуулж байна.

Жич: Өмнөх 2024 оны 03 дугаар сарын 29-ны өдрийн 01/1078 дугаар албан бичигт дор дурдсаны дагуу дэлгэрүүлэн тайлбар хүргүүлсэн болно.

(Хуулийн хүрээнд Тодруулга-4:)

“Тендерийн баримт бичгийн ажлын даалгавар хэсэгт ишлэгдсэн Монгол Улсын Засгийн газрын 2022 оны “Мал эмнэлгийн дэглэм бүхий хорио цээрт эрүүл бүс байгуулах талаар авах зарим арга хэмжээний тухай” 424 дүгээр тогтоол нь улсын хөгжлийн урт болон дунд хугацааны дараах бодлогын баримт бичгийг хэрэгжүүлэхээр чиглэгдсэн.

Монгол Улсын хөгжлийн урт хугацааны бодлогын баримт бичиг “Алсын хараа 2050”-ийг 2021-2030 онд хэрэгжүүлэх үйл ажиллагааны 8.3.14 дэх заалтад “Малын генетик нөөцийг бүртгэх, төлөв байдлыг үнэлэх, бүртгэх, тогтвортой ашиглах, хамгаалах, судлан хөгжүүлэх үйл ажиллагааны тогтолцоо, төлөвшилтийг бүрдүүлнэ” гэж, Монгол Улсын Засгийн газрын 2020-2024 оны үйл ажиллагааны хөтөлбөрийг хэрэгжүүлэх үйл ажиллагааны төлөвлөгөөний 3.3.4.2-т мал үржүүлэг, технологийн ажил үйлчилгээний хүрээнд төвийн бүсийн үхэр сүргийг ялган тэмдэглэж бүртгэлжүүлэхээр тус тус заасан байдаг. Иймээс тендер шалгаруулалтаар зөвхөн Засгийн газрын 2022 оны “Мал эмнэлгийн дэглэм бүхий хорио цээрт эрүүл бүс байгуулах талаар авах зарим арга хэмжээний тухай” 424 дүгээр тогтоолд тусгагдсан аймаг, сумыг хамруулна гэж ойлгож болохгүй юм. ХХААХҮЯам нь Мал аж ахуйг хөгжүүлэхээр гаргасан Улсын Их Хурал, Засгийн газрын шийдвэрийг үйл ажиллагаандаа тусган бүрэн хэрэгжүүлэх чиг үүргийнхээ хүрээнд Хөвсгөл аймгийн бүх сумдын үхэр сүргийг ялган тэмдэглэж, бүртгэлжүүлэх арга хэмжээг “Үхэр сүргийг ялган тэмдэглэж, малын үндэсний бүртгэл мэдээллийн нэгдсэн санг бүрдүүлэх” тендер шалгаруулалтад тусгасан.”)

Тодруулга – 3.1, 3.2

Үхэр сүргийг ялган тэмдэглэж, малын үндэсний бүртгэл мэдээллийн нэгдсэн санг бүрдүүлэх ХААБ/20240103047 дугаартай тендерийг Малын генетик нөөцийн тухай хууль, Мал амьтны эрүүл мэндийн тухай хууль, Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хууль, Монгол Улсын засгийн газрын 2022 оны 11 дүгээр сарын 23-ны өдрийн 424 дүгээр тогтоол, 2023 оны 06 дугаар сарын 21-ны өдрийн “Макро эдийн засгийн тогтвортой байдлыг хангах чиглэлээр авах арга хэмжээний тухай” 233 дугаар тогтоол, Монгол Улсын хөгжлийн урт хугацааны бодлогын баримт бичиг “Алсын хараа 2050”, Монгол Улсын Засгийн газрын 2020-2024 оны үйл ажиллагааны хөтөлбөр зэрэг хууль, эрх зүй, бодлогын баримт бичгийн хэрэгжилтийн хүрээнд зохион байгуулж байгааг 2024 оны 03 дугаар сарын 29-ны өдрийн 01/1078 дугаар албан бичигт дэлгэрэнгүй тайлбарлан хүргүүлсэн.

Иймд өмнөх албан бичгийн тодруулгатай сайтар танилцан, дээрх хуулиуд, тэдгээрийг дагалдан гарсан журам, зааврууд болон Монгол Улсын урт болон дунд хугацааны бодлогын баримт бичгүүдтэй танилцахыг мэдэгдэж байна.

Хүнс, хөдөө аж ахуй, хөнгөн
үйлдвэрийн яамны Төрийн
нарийн бичгийн даргын 2024
оны 04 дүгээр сарын 16-ны
өдрийн 01/1315 дугаар албан
бичгийн хавсралт

ҮХЭР СҮРГИЙГ ЯЛГАН ТЭМДЭГЛЭЖ, МАЛЫН ҮНДЭСНИЙ БҮРТГЭЛ
МЭДЭЭЛЛИЙН НЭГДСЭН САНГ БҮРДҮҮЛЭХ ТЕНДЕР ШАЛГАРУУЛАЛТАД
ИРҮҮЛСЭН ТОДРУУЛГЫН ХАРИУ

Тодруулга – 1.1:

Тайлбар: Үхэр сүргийг ялган тэмдэглэж, малын үндэсний бүртгэл мэдээллийн нэгдсэн санг бүрдүүлэх ажлын гүйцэтгэгчийг сонгон шалгаруулах үүрэг бүхий үнэлгээний хороо нь тендерийн баримт бичгийг боловсруулах явцад уг ажил нь технологийн богино хугацаанд хийгдэх, техник хэрэгсэл шаардсан, цар хүрээ өргөн тул ТШЗ 18.1-д борлуулалтын орлогын хэмжээ: 2021, 2022, 2023 онуудын борлуулалтын орлогын **дундаж** хэмжээ нь батлагдсан төсөвт өртгийн 40 хувь болон түүнээс багагүй байна гэж олонхын саналаар шийдвэрлэсэн. Тиймээс уг шаардлагыг баримтлан ажиллахыг дахин сануулж байна.

Тодруулга – 2.1:

Тайлбар: Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай 17 дугаар зүйлийн 17.2.1-д Ажил гүйцэтгэх тендер шалгаруулалтын хувьд сүүлийн гурав хүртэл жилийн хугацаанд гүйцэтгэсэн ажлын жагсаалт, тэдгээрээс ижил төстэй ажлын өртөг, хугацаа, байршил, гэрээний үүргийг гүйцэтгэсэн болохыг нотлох баримт; мөн 17.2.2-т бараа нийлүүлэх, үйлчилгээ үзүүлэх тендер шалгаруулалтын хувьд сүүлийн гурав хүртэл жилийн хугацаанд нийлүүлсэн бараа, үзүүлсэн үйлчилгээний жагсаалт, тэдгээрээс ижил төстэй бараа, үйлчилгээний өртөг, хугацаа, байршил, гэрээний үүргийг гүйцэтгэсэн болохыг нотлох баримт; ирүүлнэ гэж хуульчилсан байдаг.

Үхэр сүргийг ялган тэмдэглэж, малын үндэсний бүртгэл мэдээллийн нэгдсэн санг бүрдүүлэх ажил нь хууль, журмаар зохицуулагдсан технологийн шинж чанартай, мэргэжилтний хяналт дор зохион байгуулж, бий болгосон бүртгэл мэдээллийг үндэслэн мал аж ахуйн үйлдвэрлэлийн төлөвлөлт эрүүл мэндийн урьдчилан сэргийлэх арга хэмжээг төлөвлөн зохион байгуулалт хийх гол үндэслэл болох тул тус ажлыг үйл ажиллагаа нь тогтворжсон, санхүүгийн болон хүний нөөцийн хувьд чадавхтай, салбарын онцлог, ажиллах аймаг, орон нутгийн талаар зохих түвшний мэдлэг, туршлагатай аж ахуйн нэгж гүйцэтгэх нь зүйтэй гэж үзсэн болно.

Тодруулга – 3.1, 3.2:

Тайлбар: Монгол улсад малын ээмэгний стандартыг анх 2005 онд батлуулж, улмаар зах зээлд олон төрлийн загвар, хэмжээний ээмгийг нийлүүлэх боломжийг бүрдүүлэх

зорилгоор 2023 онд шинэчлэн сайжруулж "Малын ээмэг ерөнхий шаардлага 6996:2023" стандартыг батлуулсан. Ээмэгийг техникийн тодорхойлолтод заасан ээмэг нь Бод малыг ялган тэмдэглэхэд хэмжээ чанарын хувьд хамгийн тохиромжтой гэж үзсэн болно.

Тодруулга хүсэгчийн санал болгож буй стандартын Бод малын Загвар 2-т заасан чиптэй ээмэг нь эрс тэс уур амьсгалтай манай орны мал аж ахуйн нөхцөлд царцах, мэдээллийг муу дамжуулах зэрэг сөрөг нөлөөлөл үүсэж байсан. Мөн тус загварын ээмэг нь энгийн ээмэгнээс үнийн хувьд өндөр тул тендер шалгаруулалтын төсөвт өртөгт багтахгүй байсан тул сонгоогүй болно.

Тодруулга – 4.1:

Тайлбар: Малын үндэсний бүртгэл мэдээллийн нэгдсэн сангийн системд малын бүртгэлийг цахимаар болон аппликейшны тусламжтай хийж болох бөгөөд аппликейшны тусламжтайгаар сүлжээгүй үед ч малын бүртгэлийг хийж болохоор хөгжүүлэгдсэн. Мөн ажлын даалгаварт заасанчлан малыг ялган тэмдэглэж бүртгэл хөтлөхдөө цаасан бүртгэл хийн цахим системд оруулах боломжийг бүрдүүлсэн.

Иймд малын бүртгэлийн ажлыг хийхэд ашиглах төхөөрөмж нь заавал өндөр хурдны интернэт шаардах зэрэг хүндрэл үүсэхгүй болохыг мэдэгдэж байна.

Тодруулга – 5.1:

Тайлбар: Малын генетик нөөцийн тухай хуулийн 17 дугаар зүйлийн 17.4 заасан Малын генетик нөөцийн үндэсний зөвлөлдөх хороо нь Хүнс, хөдөө аж ахуй, хөнгөн үйлдвэрийн сайдын тушаалаар баталсан ажиллах журмын дагуу үйл ажиллагаа явуулах бөгөөд дараах чиг үүргийг хэрэгжүүлдэг. Үүнд:

- Мал аж ахуйг бүсчлэн хөгжүүлэх талаар санал боловсруулах,
- малын генетик нөөцийг хамгаалах, тогтвортой ашиглах зөвлөмж гаргах
- мал, үржүүлгийн бүтээгдэхүүнийг улсын хилээр нэвтрүүлэх, нутагшуулах төрөл, тоо хэмжээг тогтоох,
- малын үржил селекцийн ажлын үр дүнгийн талаар дүгнэлт, зөвлөмж гаргах,
- малын үүлдэр ашиг шимийн орон тооны бус зөвлөлийг мэргэжил арга зүйн удирдлагаар хангах

Малын генетик нөөцийн тухай хуул, Хүнс, хөдөө аж ахуй, хөнгөн үйлдвэрийн сайдын тушаалаар баталсан журмын дагуу тэргүүлэх, зөвлөх зэрэг дэв бүхий мал зүйч мэргэжилтнүүд нь мал аж ахуйн чиглэлийн үйл ажиллагаанд зөвлөх үйлчилгээ үзүүлэх зохицуулалттай болно.